

**МОНГОЛ УЛСЫН ХУУЛЬ, УЛСЫН ИХ ХУРЛЫН БОЛОН БАЙНГЫН ХОРООНЫ
ТОГТООЛООР ЗАСГИЙН ГАЗАРТ ҮҮРЭГ, ЧИГЛЭЛ ӨГСӨН ШИЙДВЭРИЙН
2019 ОНЫ ЭХНИЙ ХАГАС ЖИЛИЙН ХЭРЭГЖИЛТИЙН ТАНИЛЦУУЛГА**

*/Аюулгүй байдал, гадаад бодлогын байнгын хорооны
эрхлэх асуудлын хүрээнд/*

2019.11.20

Улаанбаатар хот

НЭГ. ҮНДЭСЛЭЛ

Монгол Улсын Их Хурлын чуулганы хуралдааны дэгийн тухай хуулийн 51 дүгээр зүйлийн 51.1 дэх хэсэгт “Засгийн газрын гишүүд хагас жил тутам хууль тогтоомж, Улсын Их Хурлаас баталсан бодлогын баримт бичгийн болон Засгийн газрын үйл ажиллагааны хөтөлбөр, тухайн жилийн төсөв, үндсэн чиглэлийн хэрэгжилтийн талаархи тайланг холбогдох Байнгын хороонд ирүүлнэ” гэж заасны дагуу Засгийн газрын Хэрэг эрхлэх газраас “Монгол Улсын хууль, Улсын Их Хурлын болон Байнгын хорооны тогтоол, шийдвэрийн 2019 оны эхний хагас жилийн хэрэгжилтийн тайлан”-г 2019 оны 10 дугаар сарын 23-ны өдрийн ХЭГ/3000 тоот албан бичгээр Улсын Их Хурлын Тамгын газарт ирүүлсэн.

“Монгол Улсын Засгийн газарт хууль, Улсын Их Хурлын болон Байнгын хорооны тогтоолоор Засгийн газарт үүрэг, чиглэл өгсөн шийдвэрийн 2019 оны эхний хагас жилийн хэрэгжилтийн танилцуулга”-ыг Засгийн газрын Хэрэг эрхлэх газрын тайланд үндэслэн Байнгын хорооны эрхлэх асуудал тус бүрээр гаргасан болно. Мөн бүрэн хэрэгжсэн хууль тогтоомжийг хяналтаас хасах тухай Засгийн газрын Хэрэг эрхлэх газраас ирүүлсэн саналыг хавсаргав.

“Монгол Улсын хууль, Улсын Их Хурлын болон Байнгын хорооны тогтоолоор Засгийн газарт үүрэг, чиглэл өгсөн шийдвэрийн 2019 оны эхний хагас жилийн хэрэгжилтийн танилцуулга”-ыг Улсын Их Хурлын www.parliament.mn цахим сүлжээнд байршуулсан болно.

ХОЁР. МОНГОЛ УЛСЫН ХУУЛИАР ЗАСГИЙН ГАЗАР БОЛОН ЗАСГИЙН ГАЗРЫН ГИШҮҮДЭД ҮҮРЭГ, ЧИГЛЭЛ ӨГСӨН ЗААЛТЫН ХЭРЭГЖИЛТИЙН ТАЛААР

2.1. Монгол Улсын хуулийн хэрэгжилт

Монгол Улсын хуулиар Засгийн газар болон Засгийн газрын гишүүдэд хууль хэрэгжүүлэхтэй нийцүүлэн холбогдох дүрэм, журам, жагсаалтыг батлан гаргах үүрэг өгсөн 101 хуулийн 509 хэсэг, заалтыг Улсын Их Хурлын Тамгын газрын Мэдээлэл, хяналт шинжилгээ, үнэлгээний хэлтэс хяналтанд авч, мэдээллийн санд бүртгэсэн болно.

Засгийн газрын Хэрэг эрхлэх газраас 2019 оны эхний хагас жилийн байдлаар 57 хуулийн 206 хэсэг, заалтын хэрэгжилтийн мэдээ ирүүлснээс хяналтад байгаа 30 хуулийн 109 хэсэг, заалт буюу 21.4 хувийн хэрэгжилтийн мэдээг ирүүлж, 80 хуулийн /давхардсан тоогоор/ 400 хэсэг, заалт буюу 78.6 хувийн хэрэгжилтийн мэдээг ирүүлээгүй байна. Өмнөх онуудад хяналтаас хасагдсан 41 хуулийн /давхардсан тоогоор/ 97 хэсэг, заалтын хэрэгжилтийн мэдээг дахин ирүүлсэн байна.

		Хууль	Хэсэг, заалт
1	2019 оны эхний хагас жилийн байдлаар хяналтанд авсан	101	509
2	Засгийн газраас ирүүлсэн Үүнээс:	57	206
	- Хяналтанд байгаа	30	109
	- Хяналтаас хасагдсан заалтыг дахин ирүүлсэн	41	97
3	Засгийн газраас 2019 оны эхний хагас жилийн байдлаар хэрэгжилтийн мэдээ ирүүлээгүй	80	400

Хэрэгжилтийн мэдээг ирүүлсэн 30 хуулийн 109 хэсэг, заалтаас давхардсан тоогоор 16 хуулийн 28 хэсэг, заалт буюу 25.7 хувь нь бүрэн хэрэгжсэн, 24 хуулийн 37 хэсэг, заалт буюу 33.9 хувь нь хэрэгжих шатанд, 19 хуулийн 25 хэсэг, заалт буюу 22.9 хувь нь хэрэгжилт хангалтгүй, 1 хуулийн 1 хэсэг, заалт буюу 1.0 хувь нь хэрэгжээгүй, 10 хуулийн 18 хэсэг, заалт буюу 16.5 хувь нь хугацаа болоогүй мэдээ ирүүлсэн байна.

2.2. Монгол Улсын хуулиар Аюулгүй байдал, гадаад бодлогын байнгын хорооны эрхлэх асуудлын хүрээнд Засгийн газар болон Засгийн газрын гишүүдэд тусгайлан үүрэг, чиглэл өгсөн хэсэг, заалтын хэрэгжилт

Аюулгүй байдал, гадаад бодлогын байнгын хорооны эрхлэх асуудлын хүрээнд Засгийн газарт үүрэг, чиглэл өгсөн Монгол Улсын 8 хуулийн 77 хэсэг, заалтыг Мэдээлэл, хяналт шинжилгээ, үнэлгээний хэлтсийн мэдээллийн санд бүртгэж, хяналтанд авсан.

Засгийн газрын Хэрэг эрхлэх газраас 2019 оны эхний хагас жилийн байдлаар тус Байнгын хорооны хяналтанд байгаа 4 хуулийн 8 хэсэг, заалтын хэрэгжилтийн мэдээг ирүүлж, 5 хуулийн 69 хэсэг, заалтын хэрэгжилтийн мэдээг ирүүлээгүй байна.

Хэрэгжилтийн мэдээ ирүүлсэн 4 хуулийн 8 хэсэг, заалтаас давхардсан тоогоор 2 хуулийн 4 хэсэг, заалт буюу 50.0 хувь нь бүрэн хэрэгжсэн, 3 хуулийн 4 хэсэг, заалт буюу 50.0 хувь нь хэрэгжих шатанд байна гэсэн мэдээг ирүүлсэн.

	Хууль	Хэсэг, заалт	
	/давхардсан тоогоор/	Тоо	Хувь
Хяналтанд авсан	8	77	100.0
Хэрэгжилтийн мэдээ ирүүлсэн	4	8	10.3
Үүнээс:			
- бүрэн хэрэгжсэн	2	4	50.0
- хэрэгжих шатанд	3	4	50.0
- хэрэгжилт хангалгүй	-	-	-
- хэрэгжээгүй	-	-	-
- үнэлэх боломжгүй	-	-	-

2.3. Аюулгүй байдал, гадаад бодлогын байнгын хорооны эрхлэх асуудлын хүрээнд хэрэгжилтийн мэдээ ирүүлээгүй хуулийн хэсэг, заалт

- **Олон улсын гэрээний тухай** /Шинэчилсэн найруулга 2016.12.01/ хуулийн 9 дүгээр зүйлийн 9.1, 9.2, 9.4, 10 дугаар зүйлийн 10.1, 10.2, 10.3, 11 дүгээр зүйлийн 11.1, 11.2, 11.4, 12 дугаар зүйлийн 12.1, 12.2, 12.3, 13 дугаар зүйлийн 13.1, 13.2,

15 дугаар зүйлийн 15.1, 16 дугаар зүйлийн 16.1, 16.2, 16.3, 17 дугаар зүйлийн 17.1, 17.3, 19 дүгээр зүйлийн 19.3, 20 дугаар зүйлийн 20.1, 20.2, 20.3, 20.4, 21 дүгээр зүйлийн 21.1, 21.4, 21.5, 21.6, 22 дугаар зүйлийн 22.1, 23 дугаар зүйлийн 23.1, 24 дүгээр зүйлийн 24.1, 24.2, 24.3, 24.4, 24.5, 24.6, 25 дугаар зүйлийн 25.1, 25.3, 25.4, 25.5, 32 дугаар зүйлийн 32.1, 34 дүгээр зүйлийн 34.2 дахь хэсэг;

- **Монгол Улсын хилийн тухай** /Шинэчилсэн найруулга/ 2016.12.28/ хуулийн 5 дугаар зүйлийн 5.4, 6 дугаар зүйлийн 6.1, 10 дугаар зүйлийн 10.2, 14 дүгээр зүйлийн 14.1, 16 дугаар зүйлийн 16.2, 16.4, 21 дүгээр зүйлийн 21.2, 26 дугаар зүйлийн 26.2.2, 27 дугаар зүйлийн 27.2, 28 дугаар зүйлийн 28.2, 29 дүгээр зүйлийн 29.2, 29.3, 33 дугаар зүйлийн 33.2, 34 дүгээр зүйлийн 34.3, 34.4, 38 дугаар зүйлийн 38.5, 38.7, 39 дүгээр зүйлийн 39.5, 41 дүгээр зүйлийн 41.4, 47 дугаар зүйлийн 47.2 дахь хэсэг;
- **Дипломат албаны тухай** /2017.01.26/ хуулийн 15 дугаар зүйлийн 15.6 хэсэг;
- **Орон нутгийн хамгаалалтын тухай** /2018.06.27/ хуулийн 7 дугаар зүйлийн 7.1, 12 дугаар зүйлийн 12.1, 15 дугаар зүйлийн 15.1, 16 дугаар зүйлийн 16.1, 17 дугаар зүйлийн 17,1 дэх хэсгийн хэрэгжилтийн мэдээг тус тус ирүүлээгүй байна.

ГУРАВ. УЛСЫН ИХ ХУРЛЫН ТОГТООЛЫН ХЭРЭГЖИЛТИЙН ТАЛААР

3.1. Улсын Их Хурлын тогтоолын хэрэгжилт

Мэдээлэл, хяналт шинжилгээ, үнэлгээний хэлтсийн мэдээллийн санд 2019 оны эхний хагас жилийн байдлаар Улсын Их Хурлаас Засгийн газарт үүрэг, чиглэл өгсөн нийт 80 тогтоолын 268 заалтыг хяналтанд авсан.

2019 оны эхний хагас жилийн байдлаар Засгийн газрын Хэрэг эрхлэх газраас 41 тогтоолын 85 заалтын хэрэгжилтийн мэдээ ирүүлснээс хяналтад байгаа 20 тогтоолын 49 заалт буюу 18.3 хувийн хэрэгжилтийн мэдээг ирүүлж, давхардсан тоогоор 63 тогтоолын 219 заалт буюу 81.7 хувийн хэрэгжилтийн мэдээг ирүүлээгүй байна.

Мөн өмнөх онуудад хяналтаас хасагдсан 21 тогтоолын 36 заалтын хэрэгжилтийн мэдээг дахин ирүүлсэн байна.

		Тогтоол	Заалт
1	2019 оны эхний хагас жилийн байдлаар хяналтанд авсан	80	268
2	Засгийн газрын Хэрэг эрхлэх газраас ирүүлсэн Үүнээс:	41	85
	- Хяналтанд байгаа	20	49
	- Хяналтаас хасагдсан заалтыг дахин ирүүлсэн	21	36
3	Засгийн газрын Хэрэг эрхлэх газраас хэрэгжилтийн мэдээ ирүүлээгүй	63	219

Хэрэгжилтийн мэдээ ирүүлсэн Улсын Их Хурлын 20 тогтоолын 49 заалтаас давхардсан тоогоор 11 тогтоолын 17 заалт буюу 34.7 хувь нь бүрэн хэрэгжсэн, 7 тогтоолын 19 заалт буюу 38.8 хувь нь хэрэгжих шатанд, 5 тогтоолын 12 заалт буюу 24.5 хувь нь хэрэгжилт хангалтгүй, 1 тогтоолын 1 заалт буюу 2 хувь нь хэрэгжээгүй байна.

3.2. Аюулгүй байдал, гадаад бодлогын байнгын хорооны эрхлэх асуудлын хүрээнд хамаарах Улсын Их Хурлын тогтоолын хэрэгжилт

Аюулгүй байдал, гадаад бодлогын байнгын хорооны эрхлэх асуудлын хүрээнд Засгийн газарт үүрэг, чиглэл өгсөн Улсын Их Хурлын 5 тогтоолын 9 заалтыг Мэдээлэл, хяналт шинжилгээ, үнэлгээний хэлтсийн мэдээллийн санд бүртгэж хяналтанд авсан.

Засгийн газрын Хэрэг эрхлэх газраас 2019 оны жилийн эцсийн байдлаар тус Байнгын хорооны эрхлэх асуудлын хүрээнд хамаарах Улсын Их Хурлын 2 тогтоолын 2 заалт буюу 22.2 хувийн хэрэгжилтийн мэдээг ирүүлж, давхардсан тоогоор 4 тогтоолын 7 заалт буюу 77.8 хувийн мэдээг ирүүлээгүй байна.

Хэрэгжилтийн мэдээг ирүүлсэн 2 тогтоолын 2 заалтын хувьд 70 хувьтай хэрэгжилттэй байна.

Улсын Их Хурлын тогтоолын хэрэгжилтийн мэдээг хүснэгтээр үзүүлбэл:

	УИХ-ын тогтоол /давхардсан тоогоор/	Заалт	
		Тоо	Хувь
Хяналтанд авсан	5	9	100
Хэрэгжилтийн мэдээ ирүүлсэн	2	2	22.2
Үүнээс:			
- Бүрэн хэрэгжсэн	-	-	
- Хэрэгжих шатанд	2	2	70
- Хэрэгжилт хангалтгүй	-	-	-
- Хэрэгжээгүй	-	-	-
- Үнэлэх боломжгүй	-	-	-

3.3. Мэдээнд гарсан зөрчил.

Тус Байнгын хорооны эрхлэх асуудлын хүрээнд хамаарах хяналтанд байгаа нийт 5 тогтоолын 9 заалтаас дахардсан тоогоор 4 тогтоолын 7 заалт буюу 87.8 хувийн хэрэгжилтийн мэдээг ирүүлээгүй байгаа нь Улсын Их Хурлын тогтоолын хэрэгжилт хангалтгүй байна гэж үзэхээр байна. Тухайлбал,

- Монгол Улсын цөмийн зэвсгээс ангид байх статусыг шинэ түвшинд гаргах тухай /2015.06.19 №60/ тогтоолын 1.5, 2-р заалт;
- Газрыг улсын тусгай хэрэгцээнд авах тухай /2018.02.01 №15/ тогтоолын 1, 2-р заалт;
- Зарим газар нутгийг улсын тусгай хамгаалалтад авах тухай /2019.05.02 №41/ 4, 5-р заалт;
- Авлигатай тэмцэх газрын зохион байгуулалтын бүтэц, орон тоо, албан хаагчийн албан тушаалын цалингийн хэмжээг шинэчлэн тогтоох тухай /2019.06.13 №67/ 3-р заалтыг тус тус ирүүлээгүй байна.

ДӨРӨВ. УЛСЫН ИХ ХУРЛЫН БАЙНГЫН ХОРООДЫН ТОГТООЛЫН ТАЛААР

4.1. Байнгын хороодын тогтоолын хэрэгжилт

Улсын Их Хурлын Тамгын газрын Мэдээлэл, хяналт шинжилгээ, үнэлгээний хэлтэс 2019 оны эхний хагас жилийн байдлаар Улсын Их Хурлын Байнгын хороодоос Засгийн газарт үүрэг, чиглэл өгсөн нийт 98 тогтоолын 668 заалтыг мэдээллийн санд бүртгэж, хяналтанд авсан.

Засгийн газрын Хэрэг эрхлэх газраас 2019 оны эхний хагас жилийн байдлаар 33 тогтоолын 138 заалтын хэрэгжилтийн мэдээ ирүүлснээс хяналтанд байгаа 19 тогтоолын 51 заалт буюу 7.6 хувийн хэрэгжилтийн мэдээг ирүүлж, давхардсан тоогоор 91 тогтоолын 617 заалт буюу 92.4 хувийн хэрэгжилтийн мэдээг ирүүлээгүй байна.

		Тогтоол	Заалт
1	2019 оны эхний хагас жилийн байдлаар хяналтанд авсан	98	668
2	Засгийн газрын Хэрэг эрхлэх газраас ирүүлсэн <i>Үүнээс:</i>	33	138
	- Хяналтанд байгаа	19	51
	- Хяналтаас хасагдсан заалтыг дахин ирүүлсэн	29	87
3	Засгийн газрын Хэрэг эрхлэх газраас хэрэгжилтийн мэдээ ирүүлээгүй	91	617

Хэрэгжилтийн мэдээ ирүүлсэн 19 тогтоолын 51 заалтаас 5 тогтоолын 7 заалт буюу 13.7 хувь нь бүрэн хэрэгжсэн, 14 тогтоолын 28 заалт буюу 54.9 хувь нь хэрэгжих шатанд, 8 тогтоолын 12 заалт буюу 23.5 хувь нь хэрэгжилт хангалтгүй, 3 тогтоолын 4 заалт буюу 7.9 хувь нь үнэлэх боломжгүй мэдээ ирүүлсэн байна. Мөн өмнөх онуудад хяналтаас хасагдсан 29 тогтоолын 87 заалтын мэдээг дахин ирүүлсэн байна.

4.2. Аюулгүй байдал, гадаад бодлогын байнгын хорооны тогтоолын хэрэгжилт

Засгийн газарт үүрэг, чиглэл өгсөн Аюулгүй байдал, гадаад бодлогын байнгын хорооны 10 тогтоолын 46 заалтыг Мэдээлэл, хяналт шинжилгээ, үнэлгээний хэлтсийн мэдээллийн санд бүртгэж, хяналт тавин ажиллаж байна.

2019 оны эхний хагас жилийн байдлаар Засгийн газрын Хэрэг эрхлэх газраас хяналтанд байгаа тус Байнгын хорооны 3 тогтоолын 4 заалтын хэрэгжилтийн мэдээг ирүүлж, давхардсан тоогоор 7 тогтоолын 42 заалтын хэрэгжилтийн мэдээг ирүүлээгүй байна.

Хэрэгжилтийн мэдээ ирүүлсэн 3 тогтоолын 4 заалтаас давхардсан тоогоор 2 тогтоолын 3 заалт буюу 75.0 хувь нь хэрэгжих шатанд, 1 тогтоолын 1 заалт буюу 25 хувь хэрэгжилт хангалтгүй байгаа мэдээ ирүүлсэн байна.

Байнгын хорооны тогтоолын хэрэгжилтийн мэдээг хүснэгтээр үзүүлбэл:

	АБГББХ-ны тогтоол /давхардсан тоогоор/	Заалт	
		Тоо	Хувь
<i>Хяналтанд авсан</i>	10	46	100.0
<i>Хэрэгжилтийн мэдээ ирүүлсэн</i>	4	4	15.4
Үүнээс:			
- <i>Бүрэн хэрэгжсэн</i>	-	-	-
- <i>Хэрэгжих шатанд</i>	2	3	75.0
- <i>Хэрэгжилт хангалтгүй</i>	1	1	25.0
- <i>Хэрэгжээгүй</i>	-	-	-
- <i>Үнэлэх боломжгүй</i>	-	-	-

4.3. Мэдээнд гарсан зөрчил

Тус Байнгын хорооны эрхлэх асуудлын хүрээнд хамаарах хяналтанд байгаа нийт 10 тогтоолын 46 заалтаас дараах 7 тогтоолын 42 заалт буюу 84.6 хувийн хэрэгжилтийн мэдээг ирүүлээгүй байгаа нь Байнгын хорооны тогтоолын хэрэгжилт хангалтгүй байна гэж үзэхээр байна. Тухайлбал;

1. Чиглэл өгөх тухай /2016.11.23 №09/ тогтоолын 1/, 2/, 3/, 4/ дэх заалт;
2. Монгол Улсын Засгийн газарт чиглэл өгөх тухай /2017.01.25 №04/ тогтоолын 1.1/, 1.2/, 1.3/, 1.4/ дэх заалт;
3. Чиглэл өгөх тухай /2017.02.10 №05/ тогтоолын 1.1/, 1.2/, 1.3/, 1.4/, 1.5/, 1.6/ дахь заалт;
4. Чиглэл өгөх тухай /2017.02.24 №06/ тогтоолын 1.1/, 1.2/, 1.3/, 1.4/, 1.5/, 1.6/, 1.7/, 1.8/, 1.9/, 1.10/ дахь заалт;
5. Чиглэл өгөх тухай /2017.06.30 №07/ тогтоолын 1.1/, 1.2/ дахь заалт;
6. Монгол Улсын Засгийн газарт чиглэл өгөх тухай /2018.05.09 АБГББХ/ЭЗБХ хамтарсан №05/13/ тогтоолын 1.1/, 1.2/, 1.3/, 1.4/, 1.5/, 1.6/, 1.7/ дахь заалт тус тус байна.
7. Чиглэл өгөх тухай /2019.06.12№03/ тогтоолын 1.1/а/, 1.1/г/, 1.2/в/, 1.2/г/, 1.2/д/, 1.2/е/, 1.4/а/, 1.4/б/, 2/ дахь заалт тус тус байна.

ТАВ. БҮРЭН БИЕЛСЭН ХУУЛЬ ТОГТООМЖИЙН ЗҮЙЛ, ЗААЛТЫГ ХЯНАЛТААС ХАСАХ ТУХАЙ

Засгийн газрын Хэрэг эрхлэх газраас 2019 оны эхний хагас жилийн байдлаар Улсын Их Хурлын Аюулгүй байдал, гадаад бодлогын байнгын хорооны эрхлэх асуудлын хүрээнд хамаарах хууль тогтоомжийн хэрэгжилтийн мэдээнд бүрэн хэрэгжсэн буюу 100 хувь гэж үнэлэн ирүүлсэн Монгол Улсын 2 хуулийн 3 хэсэг, заалт, Аюулгүй байдал, гадаад бодлогын байнгын хорооны 2 тогтоолын 2 заалтыг хасах саналтай ирүүлсэн байна.

ЗУРГАА. САНАЛ

1/ Засгийн газрын Хэрэг эрхлэх газар хууль тогтоомжийн хэрэгжилтийг тооцохдоо хэрэгжилт удаашралтай байгаа арга хэмжээнүүдийн шалтгаан нөхцөлийг тодруулж тайлбарлаагүй орхигдуулсан, тус Байнгын хорооны эрхлэх асуудалд хамаарах 4 хуулийн 71 хэсэг, заалт буюу **92.2** хувь, Улсын Их Хурлын 4 тогтоолын 7 заалт буюу **77.8** хувь, Байнгын хорооны 7 тогтоолын 42 заалт буюу **91.3** хувийн хэрэгжилтийн мэдээг ирүүлээгүй байна.

2/ Хууль тогтоомжийн хэрэгжилтийн мэдээнд бүрэн хэрэгжиж, хяналтаас хасагдсан заалтыг дахин ирүүлэх, хэрэгжилтийн хувь хэмжээг өмнөхөөс бууруулж үнэлэх, шинээр хяналтанд авсан хууль тогтоомжийн хэрэгжилтийн мэдээг ирүүлэхгүй зэрэг зөрчил байна.

3/ Улсын Их Хурлын Тамгын газраас хагас жил тутам хууль тогтоомжийн хэрэгжилтийн мэдээнд хяналт шинжилгээ хийж, тодорхой санал, зөвлөмжийг Засгийн газрын Хэрэг эрхлэх газарт хүргүүлдэг боловч тухайн санал зөвлөмжийг ажил хэрэг болгохгүй байгаа нь хэрэгжилтийн мэдээнээс харагдаж байна.

МЭДЭЭЛЭЛ, ХЯНАЛТ ШИНЖИЛГЭЭ, ҮНЭЛГЭЭНИЙ ХЭЛТЭС

**АЮУЛГҮЙ БАЙДАЛ, ГАДААД БОДЛОГЫН БАЙНГЫН ХОРООНЫ ЭРХЛЭХ АСУУДЛЫН ХҮРЭЭНД
БҮРЭН ХЭРЭГЖСЭН, ХЯНАЛТААС ХАСАХ САНАЛТАЙ МОНГОЛ УЛСЫН ХУУЛИЙН ЖАГСААЛТ**
/2019 оны эхний хагас жилийн байдлаар/

№	Хуулийн нэр, огноо	Агуулга	Хэрэгжилт
1.	Гамшгаас хамгаалах тухай /Шинэчилсэн найруулга/ 2017.02.02	20.4. Гамшгийн хор уршгийг арилгах үйл ажиллагаанд зарцуулсан зардлыг хуулийн этгээдэд нөхөн олгох, нэрвэгдэгсдэд дэмжлэг үзүүлэх журмыг Засгийн газар батална.	Монгол Улсын Засгийн газрын 2019 оны 133 тогтоолоор “Гамшгийн хор уршийг арилгах үйл ажиллагаанд зарцуулсан зардлыг хуулийн этгээд нөхөн олгох, нэрвэгдэгсдэд дэмжлэг үзүүлэх журам” батлагдсан.
		36.1.3. Онцгой байдлын асуудал эрхэлсэн Засгийн газрын гишүүний баталсан журмын дагуу гамшгаас хамгаалах үйл ажиллагааны зардал, урамшуулал авах;	“Гамшгаас хамгаалах сайн дурын хэсгийн нийтлэг журам”-ыг Монгол Улсын Шадар сайдын 2018 оны 24 дүгээр тушаалаар, “Гамшгаас хамгаалах сайн дурын үйл ажиллагааны зардал, урамшуулал олгох журам”-ыг Монгол Улсын Шадар сайдын 2019 оны 38 тушаалаар тус тус батлуулсан.
2.	Цөмийн энергийн тухай 2009.07.16	39.3. Цацраг идэвхт материалыг аюулгүй тээвэрлэх журмыг Засгийн газар батална.	“Цацраг идэвхт материал тээвэрлэх аюулгүй ажиллагааны дүрэм” төслийг 2019 оны 06 дугаар сарын 19-ний өдрийн Засгийн газрын хуралдаанаар хэлэлцүүлж, Засгийн газрын 2019 оны 06 дугаар сарын 19-ний өдрийн 243 дугаар тогтоолоор батлуулсан.
Нийт 2 хуулийн 3 хэсэг, заалт			

**АЮУЛГҮЙ БАЙДАЛ, ГАДААД БОДЛОГЫН БАЙНГЫН ХОРООНЫ БҮРЭН ХЭРЭГЖСЭН,
ХЯНАЛТААС ХАСАХ САНАЛТАЙ ТОГТООЛЫН ЖАГСААЛТ**
/2019 оны эхний хагас жилийн байдлаар/

№	Тогтоолын нэр, огноо, дугаар	Агуулга	Хэрэгжилт
1.	Чиглэл өгөх тухай 2012.12.20 №05	6. Рeadмиссийн хэлэлцээрийг гадаад улстай байгуулахдаа Монгол иргэдийн гадаадад зорчих визийн нөхцлийг хөнгөвчлөх, тэдний эрх ашгийг хамгаалах асуудалтай холбон шийдвэрлэж байх	Гадаад харилцааны яам 1. Хууль бусаар оршин сууж буй иргэдийг буцаан шилжүүлэх тухай Монгол Улсын Засгийн газар, Швейцарын Холбооны Улсын Засгийн газар хооронд хэлэлцээр” болон “Хууль бусаар оршин сууж буй иргэдийг буцаан шилжүүлэх тухай Монгол Улсын Засгийн газар, Швейцарын Холбооны Улсын Засгийн газар хооронд хэлэлцээрийг хэрэгжүүлэх тухай Монгол Улсын Засгийн газар, Швейцарын Холбооны Улсын Засгийн газар хоорондын протокол”-т Улаанбаатар хотноо 2018 оны 4 дүгээр сарын 5-ны өдөр гарын үсэг зурж, 2018 оны 7 дугаар сарын 1-ний өдрөөс хүчин төгөлдөр үйлчилж байна. 2. Хууль бусаар оршин суугаа иргэдийг буцаан шилжүүлэх тухай Монгол Улсын Засгийн газар, Бүгд Найрамдах Чех Улсын Засгийн газар хоорондын хэлэлцээр болон түүнийг хэрэгжүүлэх протокол”-ын төслийг Засгийн газрын 2018.11.21-ний өдрийн хуралдаанаар хэлэлцүүлэв. Тус хэлэлцээр болон түүнийг хэрэгжүүлэх протоколын монгол хэлээрх чехийн талын альтернативыг Прага дахь ЭСЯ-нд хүргүүлэв.
2.	Чиглэл өгөх тухай 2015.01.14 №02	Гадаад бодлогын стратегийн зорилтыг хэрэгжүүлэх зорилгоор “Гадаад бодлогын үзэл баримтлалыг хэрэгжүүлэх дунд хугацааны хөтөлбөр”-ийг үндэслэл, шаардлагыг тодорхой тусган боловсруулж батлан, уг хөтөлбөрийг хэрэгжүүлэх хөрөнгийг улсын төсөвт жил бүр тусгаж байх;	Гадаад харилцааны яам УИХ-ын АБГББХ-ны 2015 оны 1 дүгээр сарын 14-ний өдрийн тогтоолын дагуу “Гадаад бодлогын үзэл баримтлалыг хэрэгжүүлэх дунд хугацааны хөтөлбөр”-ийг боловсруулах ажлын хэсгийг сайд Л.Болдын тушаалаар байгуулж, “Гадаад бодлогын үзэл баримтлалыг хэрэгжүүлэх дунд хугацааны хөтөлбөр”-ийн төслийг боловсруулж, 3 удаагийн хэлэлцүүлгийг эрдэм шинжилгээний хүрээлэн, ахмад дипломатч болон төрийн бусад байгууллагын хүрээнд зохион байгуулж ажиллажээ. Гэвч гадаад харилцааны асуудлыг дунд хугацаанд тодорхой төлөвлөхөд бэрхшээлтэй, ерөнхий байдлаар тусгах нь Гадаад бодлогын үзэл баримтлалыг дахин давтсантай адил болж байсан зэргээс шалтгаалан сайд Л.Пүрэвсүрэн АБГББХ-ны удирдлагатай ярилцан холбогдох ажлыг зогсоосон байна. ГХЯ-ны өнөөгийн удирдлагын түвшинд энэ асуудлыг сэргээж тавьсан зүйлгүй.
Нийт 2 тогтоолын 2 заалт;			

